

Final Division Honor Oro

Entrevista cu coach di Dakota: Jonathan Lake

DIASABRA awo tin e final di e campeonato Division Honor Oro caminda cu e Amarillonan di Dakota lo topa cu e Pumanan di Piedra Plat S.V. Brittania. E wega aki lo tuma luga den Compleho Deportivo Guillermo Trinidad na playa y lo a e prome wega oficial den e stadion cu e yerba artificial nobo. Nos a sinta cu Jonathan Lake pa un entrevista prome cu e wega final y nos a haci'e 9 pregunta.

A.M.: Con bo ta prepara bo mes mentalmente pa enfrenta un final asina?

Jonathan Lake: *"Mentalmente mi ta bibe mane hungado y como coach mi ta enfrenta e final den mesun manera. Den un relax mode. Mi ta purba di no stress cu nada y mi ta biba e siman sigur na trabou, cas, training y cas."*

A.M.: Kico ta e tipo di trabou mental boso ta haci cu e hungadonan pa prepara nan pa un wega grandi asina?

Jonathan Lake: *"Den un research cu mi mes a haci rond di nos hungadonan pa hopi aña mi a zorg p'e parti mental, pa calma hopi e emocionnan vooral e parti negativo. No semper e la bay 100% y nada lo ta 100% nunca pero nos ta haci nos Best pa mehora cada biaha. Apart di esey nos a sigui traha riba e parti motivacional pa sigui kere den e proyecto cu ta hiba nos na di 4 final. Awor nos a pone e parti pa nos no tin miedo di "fail" y kere mucho mas den nos mes y nos futbol."*

A.M.: Despues di a hunga varios final caba. Con bo preparacion mental a cambia durante añanan y con e lesnan di pasado a yuda bo pa bo t'e coach cu bo ta awe?

Jonathan Lake: *"Mi a siña conoce mas mi emocionnan y con pa trece dilanti pa nos hungadonan kita e presion di nan y ami mes "wash e out" pa crea e balans necesario pa un gran final y kere mi e la haci ami mes relax."*

A.M.: Con bo relacion cu bo hungadonan a evoluciona durante campeonato?

Jonathan Lake: *"Relacion cu e hungadonan ta hopi bon. Semper tin algun cu no tur ora ta contento, kisas no a hunga semper of no ta start, of nan ta start y cambia nan despues. Pero mi relacion cu nan ta hopi cla. Mi ta bisa nan, rabia cu 'coach' y comunica cu mi y nos ta papi'e. Pero no rabia cu 'Jonathan' paso si ta pa mi tur hende ta hunga pero en realidad esey no por. 'Jonathan' t'esun mas joke y sinta combersa cu nan pero mi ta pidi nan si pa separa esaki. 'Coach' y 'Jonathan'. Y na veld sigur no dañá coach su training of wega."*

A.M.: Ki rol bo capitan ta hunga den e aspecto di bo team?

Jonathan Lake: *"E capitan den nos caso t'esun cu ta absorba tur cos di e coach pa trece info bek na training y wega. Ferdinand ta hopi inteligente y ta lider p'e ekipo di Dakota. E la hunga semper den e organisacion y nan ta respet'e y ami ta dun'e su balor. E ta importante sigur p'e team process."*



A.M.: Kico pa bo tawat'e momento culminante durante e campeonato y dicon?

Jonathan Lake: *"Momento cu nos a gana Copa Betico. Despues di esey nos a bolbe spark e team mentalmente sigur. Tambe ora nos a haya un bon refuerso den nos defensa. Diedrick Lyudens cual a hunga riba un bon nivel na Hulanda y ta yuda basta pa guia esunnan mas hoben cu e aña aki por a madura mucho mas."*

A.M.: Con bo ta balansa e diferente caracternan cu bo tin den team pa mantene nan alineá cu e meta final?

Jonathan Lake: *"Mi ta hopi habri cu nan y mi conoce nan parti debil y fuerte. Dus hopi bes e ta educa nan y laga nan mes contesta preguntanan cu mi ta haci y pa nan mes reconoce esaki riba veld tanto den training y wega. Djey mi ta analisa esaki cu nan y hopi ocasion mi ta haya rason cual na ta reconoce esaki y e ta yuda pa ora mi tackle nan cu caracter vs character."*

A.M.: Ki significado e final aki tin pa bo personalmente?

Jonathan Lake: *"Esaki te final cu sigur mi kier gana. Paso ta di 4 final consecutivo. Nos a gana 1 y perde 2 y e aña aki a consider'e como e aña di revancha. Aña pasa bira sub campeón sin perde un wega. Pues esaki t'e aña mas importante pa mi carera como coach y tambe p'e confiansa den e team process. Bo ta gana mas confiansa rond di loke bo ta trece pa nan y asina tur kere y sigui bay nanishi den mesun direccion."*

A.M.: Si e resultado no bay na bo favor. Bo lo considera e campeonato aki uno exitoso di igual manera?

Jonathan Lake: *"Si e no bay na nos banda, den e cultura di Dakota ta un aña doloroso y lo tin cu bolbe recupera di esaki. Pero futbolisticamente papia no ta facil competi pa tanto aña asina aki riba e nivel competitivo cu nos ta for di 2019 cu mi a tuma over e team dushi aki cu yama "DAKOTA TUR DIA" Pues mi ta gradici na Dios y kere den loke nos a traha pe cu aña aki si ta di Nos."*

Asina nos ta conclui nos entrevista cu Coach principal di S.V. Dakota Jonathan Lake. Un invitacion ta bay n'e fanaticada di Dakota pa bin apoya e amarillonan den nan lucha p'e titulo di campeón di Aruba.